

皇明嘉隆疏抄

欽差巡撫延綏等處地方督理軍務都察院右僉都御史臣部光先謹

題為條議榆林鎮兵馬事宜以裨節省事准兵部咨該巡按陝西監察御史蕭款題議處額兵班兵擺兵標兵家丁充兵六事本部覆奉

欽依備咨到臣又准總督陝西三邊軍務都察院右都御史兼兵部右侍郎戴咨同前事煩照該部覆奉

欽依開款內事理中間應議者會同總兵官逐件一一酌議可因可革務求長便經久可行希稿過院以憑會

奏施行等因准此除議處家丁兌兵二事遵照部  
覆應酌處者徑自酌處應欽遵者通行欽遵外  
該臣會同總督陝西三邊軍務都察院右都御  
史兼兵部右侍郎戴 議照邊方事務勢以時  
移機因宜變更化斯善者何憚於更張又道可  
循者不嫌於仍舊所有議處額兵等四事謹揆  
驗時勢相度機宜開立前件議擬上

請伏乞

勅下該部再加酌議覆

請定奪施行臣等幸甚疆場幸甚為此具本開坐謹

題請

計開

一議額兵御史蕭 原題按榆林主兵原額六萬七千七百有奇兵部冊開實有五萬四千五百有奇據各城堡冊開實有五萬二千三百有奇近該臣督同左叅議沈人种及同知等官分投點閱除有數無名有名不到原係虛冒相應開除外僅有兵五萬一千六百有奇而原額新增家丁通夜與入衛四枝皆在其中一應老弱減存役占歸伍亦在其中夫榆林素稱雄鎮而兵額僅此勾募其容已乎

但臣訪得清勾最爲民害往往旌誚假以單  
票挾詐而勾到者亦隨拘隨放特爲貪猾開  
一鬴局召募苦無土著往往將官各以家丁  
頂充故募到者亦倏有倏無反爲尺籍增一  
弊政如先年募兵詭名領賞旋即逃亡而里  
族無干之人歲被混勾至有願出賞銀還官  
以自免者此則召募之弊又爲清勾之弊也  
况用兵貴精精兵在練若將役占歸伍與見  
在著伍之數時加操練較之召募似更實效  
如蒙容臣先入會計姑俟接管御史再議惟  
復別有定奪該本部覆議看得所陳議兵

一節其意主於減兵額而因以減餉費也但榆林係西北重鎮逼近虜巢且窮邊絕塞寒苦極甚其兵之額數雖缺仍當設法充補雖清勾召募有弊亦不可因噎廢食若據其見在兵數遂定為額則原額錢糧亦當裁減此後雖欲增一兵而不可得勾募之法即盡廢矣合行該鎮督撫官軍會議停當具

奏至於按臣所謂用兵貴精精兵貴練將役占歸伍與見在著伍之數時加操練則最為切要此在巡撫總兵著實遵著著實舉行勿得因循玩愒視為故事

前件臣等議得延鎮疆圉極為衝險兼之入衛累苦軍士逃亡數多此額兵日虧而召募清勾之議並起然一法立一弊生勾募俱不能無弊若併其清勾而廢之不惟原額之兵不得復舊衛兵逃亡無所充補而老軍係干版籍土軍係免田糧亦必棄之而不勾乎據此見在之兵似難即為之額合無停止召募之令以杜虛冒之端照例近日臣等題奉

欽依嚴勾補一款申明清軍之令責成有司著實勾解不許聽憑吏書里老扶同破調年終分別查叅以示勸戒嚴禁各將領不許徑勾騷擾

縱下生奸再照延綏鎮固稱雄兵力強壯但  
大操小操合操分操之法俱不講久矣目今  
臣等會同總兵官督同各道責成副叅遊守  
操坐等官將清出役占與見在及勾到者俱  
照法著實訓練務臻實效期堪戰守斷不敢  
玩愒因循自取罪責庶兵可日強而餉不虛  
靡矣伏乞 聖裁

一議班兵御史蕭 原題按榆林自開鎮以來  
每年蒲州南陽潁上寧山及潼關等衛各撥  
班軍防守年滿交替除地近衛分防守不缺  
外其南陽等衛每班約計二千有奇而其上



班多不及期又不及數無馬無甲無異菜傭  
一入地方分派各堡止供脩築口糧鹽菜歲  
費萬金役中人情不樂遠戍常願解銀充募  
先經撫臣奏行自嘉靖四十三年為始免其  
上班每名徵銀五兩四錢即於應支月糧內  
扣除解鎮募人應役行之三年尋復停寢此  
等班軍在各衛則困疲客作在本鎮亦耗費  
客糧誠為無益似應議處臣近查閱該鎮各  
兵應汰頗多除前項虛冒開除外幾有二十  
亦係老弱以之征戰誠為不堪以之脩守尚  
可備數合無傳免前項班軍令之納銀即令

存留老弱代充脩守似亦兩利但人情苦不  
自足異省情不相關各衛既免終歲戍守所  
省甚多前項量扣糧銀若復任意短少則該  
鎮反致無措伏乞 勅下該部著為定例比  
照納班銀兩責限鮮京併入年例轉發該鎮  
庶各衛無敢逋負該鎮別可裁省該本部覆  
議看得所陳議班軍一節固為權宜之計但  
恐班軍既撤徵銀復難則輪戍召募俱至廢  
弛且事干 舊制遽難輕議變更合無咨行  
該鎮督撫官將蒲州南陽潁上寧山潼關等  
衛所班軍從長計議要見徵銀鮮京轉發該

鎮募人應役果否於邊備有賴然酌停妥具  
奏以憑覆議 定奪

前件臣等議得蒲州南陽潁上寧山潼關等衛所  
班軍輪戍乃 祖宗舊制徵銀募役之議嘉  
靖四十三年曾一行之計非可久旋即停止  
今議復行恐人情懈於偷閑異省視為秦越  
軍既不來銀又不解因噎廢食徒為畫餅各  
堡脩守將為賴之但每年上班發不依期軍  
不及數相應申飭令無將前項衛所班軍照  
舊輪戍仍照近日題

准申明舊例痛懲玩法官軍以保孤危邊鎮事例通

行各省撫臣嚴行各道每年將該班官軍照數揀選依期替發如領班官無故脫班及軍士不到數多者與衛所官俱照所少分數查叅提問住俸降調若該道不嚴行替發以致備禦缺人一體叅究雖征戰之用難以責成而脩守之力亦有似賴矣伏乞

聖裁

一議擺兵御史蕭 原題按榆林每年秋防自七月初一日為始調集各城堡兵馬分布定邊營等有牆去處名為擺邊至十月初一日撤放每兵日支行糧一升五合每馬日支料

三斤草一束歲費不下三萬查得該鎮東起  
黃甫川西至定邊營千五百里中間有牆不  
及三一其餘皆係極衝無牆有兵亦向不擺  
夫無所不備無所不寡兵志甚明況有所備  
有所不備虜獨不可由所不備以攻其所備  
乎且以二萬三千之衆擺四百餘里之牆約  
數丈而一兵以此禦虜其不格亦明矣又虜  
舊止秋犯今無時不犯如去年雙山堡之犯  
則十二月擺邊已類掬水搏沙立限又若刻  
舟求劍故虜先秋而犯則擺兵未至後秋而  
犯則擺兵已撤即當秋而犯而擺兵亦莫可

其為徒費無益如此盡  
石省之以供脩築之  
用重哨探之賞也蓋  
在脩築脩築固則分布  
數月有聲貴在哨探  
則徵調自不後時况  
所調兵馬遠者亦三五  
日可至何必曠月株  
守以老師費財也前項  
撫邊之兵似應停止  
但令各在原所整棚聽  
候調遣庶為兵費兩  
省談本部覆議看得所  
陳撫邊徒費無益其  
說甚詳至謂脩築固則  
刀布乃為有據哨探  
明則徵調自不後時尤  
為確論但人情安逸  
易懈秋防時刻難緩若  
撫邊一罷將士乘機

偷安尙致誤事關係匪輕合行總督撫鎮等  
官再從長計議擺兵應否遽行罷撤及照脩  
邊不如脩敵臺脩臺即所以脩邊也守邊不  
如守敵臺守臺乃所以守邊也近日薊鎮脩  
臺甚堅保障允賴延綏一鎮可否照式脩築  
議處停當一併回奏

前件臣等議得擺伏官軍乃總督軍門節年題  
准防秋事務但延綏一鎮邊延五百里西踞四百  
餘里有牆可恃有兵可扼東中二踞則無牆  
可恃又無兵可擺矣今歲套虜納款臣等會  
議少調早撤已省客餉萬當此

帑藏訕乏之時委應議處以圖節省合無每年防  
秋仍照舊規分派果虜堅守盟誓邊烽稍息  
擺牆腹兵減半派調固原正兵遊兵馬亦量  
選帶與軍門標兵以備緩急本鎮擺守官兵  
仍舊預布或在堡團練或乘時脩築選差遠  
為偵探如有渝盟結聚消息傳調馳赴原分  
信地相機戰守至於脩敵臺一節本鎮沙漠  
木石不便且無人守仍令查照近日臣等題  
奉

欽依築邊垣一款次第舉行應動錢糧陸續具

奏務求一勞永逸足堪保障庶徵調少而客餉可



節脩築固而防禦有賴矣伏乞

聖裁

一議標兵御史蕭 原題按榆林兵馬自正兵  
遊兵而外有所謂標兵者不知起自何時蓋  
緣巡撫身膺閫寄時復邊巡故招選親兵以  
備緩急其為慮非不深也然自臣言之則竊  
以為過計夫撫臣專制一鎮一鎮之兵孰非  
可用豈必別選親兵而後用之是不廣也况  
兵以標名將領不敢知司道不能詰姦究者  
得馳於法外游情者得潛其伍中雖以何  
之約束最嚴前弊頗剔然終不若除此名色

之為大公也臣查得三邊總督止有遊擊亦無標兵惟甘肅巡撫創招標兵河西切齒此亦所當議者伏乞

勅下新任撫臣將前項兵馬再加簡閱除牌馬司酌留供役其餘併入遊兵一體操調此雖無節省可言然撫臣無養兵之名則事權專尊而役占無所藉口兵去親兵之號則軍法齊一而家丁亦將革心今之姦情潛消後之影射較寡其為節省亦必有可計者該本部覆議看得巡撫都御史事權與總督不同責任與總兵亦異蓋總督總兵凡遇警急即當躬擐

甲冑親履戎行以此各設標兵所以便臨陣  
備策應也今各處巡撫身不臨敵乃亦設標  
兵一枝名為親兵徒滋驕橫坐費錢糧此不  
獨延緩一鎮為然揆之事權責任均屬未安  
御史蕭備陳其為不可誠為至當之論合  
咨延綏巡撫部即將標下兵馬併入遊兵  
營內一體操調不必另立親兵名色若別有  
滯碍明白具奏

前件臣等議得巡撫事權既與總督不同責任  
與總兵亦異標下親兵委宜預防驕橫併之  
遊兵營一體操調但遊兵各營俱係軍人四

枝又係入衛而標兵多係召募餘丁及節年  
投降虜人若使歸之遊兵各營必至解體堂  
堂鎮城何以恃之查得正兵營兵馬除軍人  
外多係家丁降人常年起馬搗巢與標兵常  
並立功相為特用原議召足五千今不足數  
令無併入正兵營分為奇正聽總兵官操調  
臣等節制該道稽察止揀留精銳者二百名  
并建鎮以來原有牌馬司官舍通夜軍人五  
百名責令中軍官督率齎捧

令旗令牌防護

勅書符驗關防及巡邊之用庶事勢可防未然而人

心不至解體矣伏乞

聖裁

奉

聖旨

欽差巡撫陝西地方都察院右副都御史臣鄧光先謹  
題為陳末議以裨邊政事臣一介草茅叨承

任使前撫延綏茲移關陝自分謫劣未效涓埃頃際  
廟謨責成及時大脩邊政臣日夕惴惴焉以曠廢是  
懼緣循例防秋謹親詣沿邊閱脩城堡查理倉  
場勉竭庸愚期圖報稱然兵馬錢糧事關地方  
大計廢缺訛紊有不容不亟為議處者相應題  
請伏乞 勅下該部再行查議覆請

定奪施行倘於兵食有裨臣愚亦可少塞責分矣  
計開

一議復將領以重安攘竊照陝西省城舊有叅

將一員統領馬步官軍三千員名時常操練  
彈壓礦回七月間撫臣隨帶赴固原防秋捍  
禦虜患該前任撫臣議題裁革叅將量留  
馬軍一百八十名與同標兵一百二十名選  
委中軍官一員統領操練隨帶防秋其餘散  
歸西安左等四衛止食原糧固為節省行糧  
計也該臣視事以來看得本鎮地方遼闊外  
而防禦番虜內而控制礦回難以內地例論  
且不論秋防禦虜即如近日區區回徒竊發  
一時兵將無可用者卒難措手一營之兵練  
已將成削去將領任其散歸坐食甚非所以

壯軍實而重安攘也所當亟為議復况叅將衙門供應之類原議俱存非若初創致費區處合無將陝西叅將照舊復設推選素有謀勇者一員前來任事其 勅書

符驗旗牌照例 請給該營原散歸各衛軍士選勾精壯仍復責付統領中軍千把總等官於西安左等四衛內選用平居無事住劄省城如法操練彈壓礦回每遇防秋帶隨固原專聽調遣其供應廩糧俱照原議查復支用庶武備不廢而安攘有裨矣伏乞

聖裁



一清理邊儲以祛姦弊竊照邊儲錢糧升合為  
重而侵欺盜冒律例甚嚴先該閱視大臣查  
出蘭州廣積等倉商人何思等侵欺隆慶二  
三四年召買糧一萬一千八百五十餘石料  
一萬四千八百九十餘石草五十一萬八千  
八百餘束照依彼中時估大約共值銀三萬  
三千餘兩臣一至地方聞之不勝駭異一面  
行臨鞏兵備道副使楊起元嚴限比追照依  
律例問罪該臣遵例防秋親詣提審查究已  
完三分之一訪得各倉姦弊多端不止此項  
通行設法鈎稽互相磨對各倉實見之數即

於邊儲簿內實在項下數目不投銀米草束  
大約又差二萬有奇隨行該道及監收官逐  
一細覈據同知王世科開稱廣積等倉官攢  
遲文相等將自嘉靖四十三年起至隆慶五年  
止支放過銀三萬一千三百三十四兩零糧  
八千三百二十二石零草三萬三百四十二  
束於季報冊內仍造實在項下未曾開銷等  
因臣惟錢糧支放必由該道掛號覈實支放  
而不報開除其中虛捏冒支等弊難保必無  
除委隔別官員細加查覈外夫財用詘乏雖  
百計稽覈節縮尚恐不足經用而臨輦一道

所屬倉場錢糧侵欺者已三萬有奇不明者  
又三萬有奇其餘各道所屬倉場其侵欺其  
不明者又不知其幾矣及今若不行嚴查  
求一清絕的數必弊日滋徒充姦窟囊腹虧  
損國儲致誤邊計干係豈小合無

特勅巡按御史與臣會同選委廉幹官員親詣本鎮  
沿邊倉庫吊取嘉靖四十三年起至今止收  
支京運民屯鹽引等項錢糧卷簿并該道收  
支掛號底簿逐一對查詳細磨算其見在銀  
糧料草務要拆到倒版拆梁秤盤支放明白  
者准令開銷果係差訛者即行改正侵盜那

移者追究下落有罪人犯擬如律例干碍職  
官一併招叅造冊呈詳臣等覈實具

奏庶倉場為之一清而將來姦弊可祛矣伏乞

聖裁

奉

聖旨

欽差巡撫陝西地方都察院右副都御史臣部光先謹  
題為遵

舊章嚴申飭以重地方大計事竊惟全陝政務莫先  
於邊備莫急於錢糧所以整飭稽覈者邊道各  
有責也所以督催轉輸者糧道與有責也規條  
雖昭然具在而弛玩由於因循相應申飭以示  
獎緊伏乞

勅下該部再行查議若於邊備錢糧有裨履請  
定奪施行地方幸甚臣愚幸甚為此開坐具本謹題  
請

旨

計開

一飭邊道候代之令照得沿邊地方兵馬錢糧  
為重兵備兵糧守巡各道監臨責任匪輕查  
得先該總督右都御史郭 題為議處邊道  
守巡兵糧官員以重邊防以清錢糧事該吏  
部覆奉

欽依山陝等邊兵備守巡官員如遇陞遷不許徑自  
離任務候新官至日交代誠有見於邊道官  
員干係之重而特加嚴責之也查前經奉  
久原行寢廢各該官員一遇陞遷應即行離任以故  
限逼近為詞不候新官交代即行離任以故

視監司為傳舍每優游以待遷一切錢糧收  
受支放惟付之監收等官及各倉官攢之手  
任其侵欺虛冒季報歲報之數不過抄騰轉  
報徒為舛錯難憑凡脩築城堡清補士馬偵  
備夷情等項何嘗一一親理及遇一時負缺  
有一人帶管二三道者地里寫遠固稽察難  
周緣更代不常且姦弊易作而邊儲之不清  
機務之稽誤有由然也合無申明前例凡陝  
西邊方兵備兵糧守巡官自責令專心本等  
職業著實幹濟各將所屬屯糧設法清查追  
徵應派鹽引及時從公召納糴買糧料草束

選委廉幹官員兩平召易出納親為稽覈盈  
縮每自劑量務使姦蠹盡除倉場充裕城堡  
刻期脩築兵馬加意訓補查虜情狀時時偵  
探先事預防與夫整器械等項務要一一躬  
親經理求塞職任果有勞績顯著者不次陞  
擢以示優異遇有陞遷必候新官至日將任  
內經管錢糧造冊呈請總督撫按衙門詳允  
交代明白方許離任如憑限稽違聽總督撫  
按查照離任日期扣算原憑期限行移彼省  
撫按查豁其丁憂降調等項不便行事以難  
稽留亦須一體造冊呈委鄰近該道交代明



白不許徑擅離任如玩愒怠忽致錢糧有姦  
弊職務有疎虞者照例查叅究治庶責成專  
切而邊儲邊務俱有攸賴矣伏乞

聖裁

一飭糧道分督之責照得陝省八府額徵稅糧  
外供四鎮軍餉內給

諸藩宗祿欠一分則缺一分之用所需甚急而催  
督不可不嚴也查得布政司設有督糧道叅  
政一員督催通省糧儲又該巡按御史潘民  
模題

准責成分守隴右道叅議就近督催臨鞏二府民糧

緣以職掌互攬事不畫一兼之各官畏避嫌  
怨未嘗親歷督催以故各該有司徵輸怠緩  
每遇查祭之時顧又朦朧捏報甚至銀米未  
徵在官勒令大戶虛文起解即作完數批廻  
通關經年不獲及行查究始拘大戶監追方  
於花戶追討各官固苟免罪罰而於

國計民生胥病矣又因督糧道裁復不常并分守  
隴右道及布政司官每年叅䟽之所未及推  
延姑息逋負如常而國靖河階等衛所軍士  
月糧

韓府宗儀祿糧累年積欠職此由也近奉

新例查叅有司降俸降級者數人稍知警惕但全陝  
八府圻界遼闊必替糧道與分守隴右道照  
地分管依例叅處斯可以杜推諉而便替催  
合無今後民運糧草在西延平慶鳳漢六府  
聽替糧道在臨鞏二府聽分守隴右道各就  
近專管毋遇夏秋開倉之期二道各徧歷應  
管府州縣嚴督掌印管糧官員上緊追徵依  
限通完批差經收人役解赴原定倉口上納  
勒限掣取通關銷繳不得任憑紙上之數即  
作已完徒滋規避其替糧隴右二道并布政  
司官視各府完欠分數一體照例查叅庶督

責既嚴而糧儲有濟矣伏乞

聖裁

一飭軍需清理之法照得固原鎮軍需錢糧有朋合銀有地畝銀朋合銀者成化十三年事例原領官馬官軍每指揮歲該銀六錢千百五鎮撫四錢二分旗軍三錢地畝銀者成化元年例也田一頃除額徵糧草外徵銀一錢俱解陝西行太僕寺收貯聽買馬支用然總貯雖在於該寺而徵收則出於衛所軍職貪鄙中解奉公朋合銀兩例應本官本軍出備事本輕起顧官則派於舍餘軍則派於戶丁

如牧場百出屯田糧草既聽應管該  
道查催赴附近倉場上納而地畝銀又解行  
太僕寺交割地里遼遠甚有在千里之外者  
起解艱難多有因而竊費武流事熟人不  
惟追併不則甚有通同經收人役乾沒侵盜  
如臣查出四安左衛千戶蘇宇宜可鑒也若  
不立法徵收終於軍需無補及照延綏鎮朋  
合銀兩即隨官軍糧俸扣留近據該寺各道  
議稱地畝銀兩應隨屯糧一併催納人情事  
體俱屬順便合無通行固原鎮兵備兵糧守  
巡及屯田等道自萬曆三年起將朋合銀兩

行令各營律管軍掌印官員每遇雙月支領  
官軍俸月糧銀之期分別應出朋合有馬官  
軍職名明白開於冊內指揮每員一錢千百  
戶鎮撫每員七分旗軍每名五分齎赴本管  
該道查明掛號發監收官於支放之時照數  
扣留每生應出之數六箇月可以扣完通以  
雙月為期而畫一便於查扣將地畝銀兩行  
令管屯官隨屯糧一體催併赴附近監收官  
處照數納收一項糧草即收一項地畝銀  
併出實通關之內二項銀兩俱另行收貯  
不許挪借用如遇各營衛官軍缺少馬

呈臣督撫巡按巡茶衙門詳允方許造冊赴  
該道掛號支領實補其收支數目行令各道  
俱填入近立軍需循環簿內倒換查考仍聽  
各監收官將收支數目每半年一次報行太  
僕寺類查互相覈察朋合銀不扣留者監收  
官以徇情寬輒查究治罪地畝銀有拖欠者  
管屯官照屯糧事例一併查叅則科派之擾  
侵漁之弊解運之苦一舉俱革而買馬之需  
可望日充矣伏乞

聖裁

聖旨



欽差總督陝西三邊軍務兵部左侍郎兼都察院右

僉都御史臣邵光先謹

題為省繁文以節財用事近准吏部咨該本部題  
前事等因奉

聖旨這冊籍繁文前有旨著各衙門查議裁省竟未  
見有著實奉行的覽卿奏崇簡務實深得為政之  
體各繁冗文冊依擬盡行裁革其朝覲考查文冊  
都察院亦照例止用二本內閣及該科俱不必造  
送其餘各衙門都著遵前旨裁省具奏欽此欽遵  
又准吏部咨該總督薊遼右都御史梁 題同  
前事內一件錢糧百分缺乏乞

申飭中外臣工協心體

國以足經用事該本部覆議查得前項一冊恭備御覽既經各該巡撫具數奏

進青冊送部本部憑以具揭

進呈總督又造一冊亦屬無用相應通行督撫衙門自萬曆六年為始巡撫將前冊奏

進送部總督止於會本冊不必造等因題奉

聖旨是欽此欽遵先後備咨到臣除欽遵通行外照得臣總督延寧甘肅四鎮兵馬錢糧事務文籍浩繁然關係稽考而勢難減省者不敢輕議外所有繁冗冊籍無裨實政徒滋勞費科斂亟應

裁革者相應開列題

請伏乞

勅下該部再加查議覆

請行臣等督撫等衙門遵照施行庶繁文可省而財  
用少節矣

計開

一件查理脩守工程以固邊圉事臣查得延寧  
甘肅四鎮撫臣每年終各將春秋二時督脩  
過城堡邊垣墩臺敵臺水洞水口等項工程  
并用過錢糧及督工管工效勞官員造冊咨  
臣總督衙門覈實攢造簡明文冊具本會同

各撫臣 奏報青冊送部查考臣總督衙門  
又照前造寫一冊送各撫臣備照而各撫臣  
亦間有又復造冊隨本 奏繳者是一事而  
造冊四翻矣夫工程一也 奏報亦一也以  
一事而造冊四翻事體重復勞費不貲相應  
議裁合無照依錢糧百分缺乏事例通行臣  
等督撫衙門遵依自萬曆六年起以後每年  
將脩完工程用過錢糧等項聽各鎮撫臣就  
近查覈明白造冊 奏報青冊送部覆行巡  
按御史或閱視大臣勘覈具

奏其撫臣

奏報之時止具本稿會臣具

奏不必造冊送臣臣亦不必造冊

奏繳以省勞費伏乞

聖裁

一件軍務事查得臣總督衙門每歲赴邊防秋  
并不時巡閱凡兵馬錢糧邊垣城堡墩臺等  
項該道既有稽覈專責已造冊呈報矣而各  
將領守操各管糧監收等官各又造報雖係  
沿習舊規然糜費紙工徒滋科斂臣昔閱視  
薊遼時止責成該道造冊其餘官員免造地  
方頗稱簡便所據前項文冊通應議裁合無

行臣通行守巡兵備等道總副叅守操防等  
官遵守今後臣不時巡閱該道將所管地方  
邊垣城堡墩臺軍火器械境內將領所管操  
防等官各實在兵馬數目各倉庫主客本折  
并節省錢糧及軍需等項總類簡明一冊送  
臣查閱及與循環查對其中脩廢強弱盈縮  
自可攷見其將領操防管糧監收等官俱免  
重造共圖省節杜絕科擾如有指稱造冊科  
斂軍丁者照例叅究此雖臣可以徑行裁革  
者但邊方武弁科斂成風恐不題奉

欽依無以易觀聽而祛宿弊也伏乞

一件仰承 德意酌定降罰官員事例以一政  
體事臣查得每年終該延寧甘固四鎮巡撫  
衙門并陝西布政司及督糧屯田二道各將  
全陝府州縣衛所守巡關內關南關西河西  
隴右西寧分巡平涼撫治商洛潼關神木榆  
林靖邊定邊寧夏固原靖虜臨鞏岷甘肅  
西寧莊浪兵備等道各將所管州縣衛所額  
徵起運夏秋民屯糧草開造已未完分數文  
冊并應叅掌印管糧管屯官員職名揭帖咨  
呈送臣總督衙門覈查類本會同各撫按官

題叅此乃舊規也為照前事既有四鎮巡撫衙門  
造到該鎮民屯完欠分數并應叅官員職名  
冊揭即可類叅而布政司係通省會計之司  
督糧屯田二道俱有專理之責其前項冊揭  
亦不可少俱應照舊至於守巡兵備共二十  
七道各造冊揭事屬繁文徒為無用相沿日  
久相應議裁合無自萬曆六年終為始將前  
項冊揭止聽四鎮巡撫衙門并布政司及督  
糧屯田二道依期開造送臣覈查類本會同  
各撫按官

題叅其餘守巡兵備各道俱不必重造以省費



伏乞

聖裁

奉

聖旨

欽差總督陝西三邊軍務兵部左侍郎兼都察院右  
僉都御史臣部光先謹

題為虜部各歸原巢仰贊

廟謨申飭善後事宜以維

貢市以重安攘事萬曆七年十二月十六等日節  
據延綏總兵官傅津塘報據坐營官龍成清水  
營守備侯璉各塘報差通事文達子沈收兒崔  
天才等出邊哨探得套虜大小頭目隱市台吉  
阿賽把不能莊禿賴也鐵器莽吉素阿不害等  
各帶領部落各於十月二十四及十一月十三  
等日西搶回套等因又據延綏東路管叅將事

副總兵濮東陽孤山叅將丁思忠各塘報差通  
夜王効高敬等出邊哨探得套虜酋首卜失兔  
阿不害帶領部落於十月二十六日回套等因  
本月二十六日又據延綏總兵官傅津塘報據  
定邊副總兵聶大經塘報據原差通夜張達子  
湯勿等報稱出邊哨探得虜酋切盡黃台占同  
伊母哈屯并弟秦把都兒男打兒漢把都兒及  
部落各小頭目帶領衆達子從寧夏邊外五岔  
河過河於十一月二十六日回套各等因到臣  
案查先准巡撫甘肅兵部右侍郎侯 咨稱已  
將原住甘涼永昌南山一帶接擁海寺河套虜

酋卜失免阿不害切盡黃台吉等撫押并大小  
頭目威正恰把不能等十四五大枝各准給牛  
羊小市令其作為盤纏其餘頭目及零星諸虜  
一面燒荒無行驅逐各部落精兵并老少俱從  
石碛水泉毛卜刺永寧蔡旗黑山寧遠新河乾  
河板橋等處各開門徧地馱載帳房跟趕牲畜  
陸續東行數年結聚之處各過會集之酋一時  
出邊盡絕等因備咨前來併於虜王東歸疏內  
具題訖隨行據寧夏西筈叅將張夢登靖虜  
管叅將事遊擊李崇義各塘報西回各虜屯聚  
大小松山陸續起行漸次回套等情前來臣維

時值冬深河水結凍各虜屯聚大小松山雖曰漸次東歸然酋首卜失兔阿不害等尚在住牧未見起行恐住牧日久別啟異謀又經通行各鎮撫鎮嚴行各該大小將領加謹隄備及哨探動定消息去後今據前因為照東虜順義王俺荅託言禮佛雄住青海西虜都督同知卜失兔阿不害等共圖剋殺聚河西營之癰積之久也必潰譬之水科之溢也必決遠近咸以為可虞臣朝夕切隱憂焉仰候

皇上

聖德弘敷萬里固封嘉峪

神威遠震三尺堪繫單于幸賴宰輔之忠謀益張  
廟堂之勝算以故臣等得以敬遵撫防而大小諸酋  
罔不奉

命惟謹東虜固安靜歸巢西虜亦聯絡回套一時邊  
境安堵無虞真曠世而僅見也然事難逆覩而  
謀在預圖其制馭之機宜所當因時喫緊而自  
治之永計尤當未雨綢繆謹集衆思勉抒管測  
假羈縻之微權而維

貢市者主事有三圖戰守之長策而重安攘者其  
事有五臣職任閤外惟當見之施行第上關  
廟謨下係邊紀非祇奉

宸嚴無以聳華夷而揚文武也相應題

請伏乞

勅下兵部再加詳議覆請

定奪行臣遵奉舉行西陲幸甚臣愚幸甚為此開坐  
具本謹題請

旨

計開

一重播告以宣

威信竊惟

朝廷渙號尚爾三令五申中土編民亦須時喻辰  
告况夷狄乎向來套酋西讎因俺酋東歸

朝廷

亦以漸回套雖聲言日後仍復往讎尚爾  
繫情敵國但因前被挫而回勢頗窮蹙日  
今游散住牧抑恐別起戎心乘此群醜初  
回之時當為儆飭鎮定之計相應大宣  
威信而播告之令無容臣會同各鎮撫臣  
選差官通徧諭河套松山各酋以及西海  
諸虜大都云我大明列聖皇帝受

命疑圖代

天御世以至仁綏中夏以大信撫四夷

曩者因爾等納款效順嘉其慕義嚮風

錫之官爵許以

貢市數年以來安享福利爾等又

住西海拋棄原巢今俱歸還各復故土為



爾等幸今後益當嚴戒部落堅守盟誓勿  
得縱容猾虜別生事端毋得聽信奸徒分  
外求索獻貢依期互市循法恪守外臣  
之禮則上天鑒爾忠赤篤爾福祐

聖德包荒

皇恩浩蕩凡可

寵賚必不爾靳其視

爾昔年雖曾入犯所獲不過粗粟布衣  
縞牛羊毛各遺將士亦必搗爾巢穴殺爾老  
幼且婦孺年通宵不得安枕其利害安  
危何如也況我天朝聖君宰化於上  
賢輔贊襄於中文武戮力盡瘁於下余重  
信義振肅綱紀四夷賓服萬邦作孚光天

之下以及海隅莫敢不委命無二心者非  
特爾北虜一域輸誠已也若不守初盟間  
有狂態鴈奪鼠竊致啓釁端奏聞 闕廷  
天威有赫不惟絕爾 貢市停爾撫賞抑恐聲爾罪  
狀利既不得害已隨至後悔無及等因俾  
之通曉庶播告一布

威信益昭可以懾定群心而恪守

貢盟矣伏乞 聖裁

一別市地以便撫防竊惟陝西三邊酋虜游  
散塞外雖無疆界然住牧亦各有定所如  
卜失兔阿不害打兒漢台吉威正恰把不

能等在河套分水梁等處與延鎮榆林迤東以及黃甫川一帶相向切畫黃台吉等在河套可可腦等處與延鎮鎮靖堡迤西以及寧鎮清水營一帶相向賓兔台吉著力兔台吉炒哭兒台吉等在大小松山與寧鎮中衛甘鎮涼莊相向丙兔台吉克臭台吉等在西寧境外西海一帶其互市地方原議分鎮分地各照附近立廠交易者固取其道里之近俯順夷情實所以分諸虜之勢便易制馭數年以來邊守無異頃因套虜西搶瓦剌遭其挫衄而虜王俺答

假以迎佛西來卜失兔阿不害切盡黃台  
吉糾合諸酋率領部落傾巢而西與俺答  
計議舉兵以圖報復俺答料其備嚴不與  
同讎率衆東返卜失兔阿不害等因前謀  
未成遂懷羞憤蜂聚於甘涼永昌內地南  
山一帶雖云尚欲西讎實則住戀水草臣  
恐任情占住久假不歸邊防大界豈宜混  
潰計會撫臣指授守巡該道方略務期廓  
清內地據報撫諭力逐已出境外聚牧大  
小松山漸次回套而該鎮內地頃爾一清  
矣臣查得先因諸虜經過甘鎮指稱討降

人尋生畜纏擄買賣生事已方虜王什乞  
藏僧脩貢疏內併言禁諭以後互市俱  
要各頭目躬至市所方許交易給賞如或  
流住別鎮即將賞賜收貯俟回日方給不  
許別虜代領以長驕志至於各虜經行邊  
地缺少盤纏者許隨地告賣牛羊以資路  
費此謂借道西讎一時事也此外不許妄  
行纏討以啓騷擾之患各鎮亦不許濫行  
給與以滋無厭之求已經題奉

欽依通行各鎮遵守第當此各虜還巢之期不為令  
別區處申明初議令其各照原地各守本

市則將來東奔西逐迄無定時此乞彼求  
何以酌應不免啓爭端而糜撫費雖夷狄  
不可以 中國之治治虜情不能以疆域  
限而杜漸防微機不可失况虜中順逆向  
背之情得之全在偵探而偵探之法臣已  
行之詳且悉矣茲者惟在當事諸臣一加  
之意分地制馭從實譏察而虜安能有道  
情哉合無容臣通行各鎮撫鎮諸臣各選  
差的當官通不時深入各虜營帳譏察偵  
探是否原地原巢住牧不許往來別市地  
方遊走生事無端求乞以後凡遇互市之

時查照前例預先宣調有名各酋首務要躬至市廠監  
督兩平交易應得賞犒照例給與中間頭目在帳不能親  
身詣市者亦即准互市給賞如不在帳者即差官通往  
調親身赴市方行互市賞犒不得送給以長驕玩如往別  
鎮地方官通即襲蹤爪尋隨帳而往不許遽歸必至  
其地見其人而後已察其情形據實密報本鎮一面密報  
該鎮撫鎮及該道將領以便撫防一面咨報軍門施行尤  
要互相覺察毋得自分彼此則虜中動靜消息時在目  
前得順逆向背之機以用我攻心伐謀之計端賴於是  
匪直維持市事已也伏乞 聖裁

一優市長以責統約竊惟陝西三邊

貢市在河套松山諸酋貢馬則統之順義王

俺荅代進在西海諸頭目則獻之甘鎮

具題給軍而互市之所則有四馬延鎮

一市在紅山墩套內大酋都督同知卜失

兔阿不害主之而赴本市者則指揮千百

戶打兒漢台吉等二十九員寧鎮二市一

則在清水營套內酋首龍虎將軍切盡台

吉主之而赴本市者則指揮千百戶著刀

兔台吉等一十六員一則在中衛松山酋

首指揮同知賓兔台吉主之而赴本市者

則千百戶那木太等六員甘鎮一市在扁



都口頭目丙兔台吉主之而赴本市者則  
大小頭目著力兔等九名然卜失兒阿不  
害係一套相傳之長年雖尚幼性實難馴  
就中主謀者則切盡黃台吉也切盡通佛  
經而有機變者賓兔台吉部屬頗眾據  
松山丙兔台吉乃俺荅幼子因西搶流住  
虎踞海上四市惟四酋主之以其狡也夷  
類以狡為能故眾屬服而歸之我因其狡  
而以計馭之俾為我用則餘酋則不出籠  
絡中矣昔者漢臣征夷就中豪傑用之以  
夷治夷亦制禦夷狄之常道也茲四酋者

監市有年恭謹可尚雖每年類題

賞賚止於常格今若稍加優異責以統約各市諸酋  
是或以夷治夷之一策也合無八年互市  
如果謹恪如初容臣於監市疏內特為題  
請將四酋各另給勅諭加給賞賚優以市長名  
目責令約束本市酋夷平時期安靜不擾  
互市務公平無爭但有近邊騷擾竊奪作  
反及不守市規者即責成本酋追還仍照  
夷法罰治以示懲戒若以後統約有攻破  
格題請加銜厚賞如理市無規約衆鮮  
法於本市撫賞及應請欽賞量行減削

以示裁抑庶操縱張弛之權在我不爽而  
羈縻駕馭之機措施有要不然每首而撫  
之日亦不日矣伏乞 聖裁

一固人心以屹 大防竊惟內夏外夷古今之  
大防等如工八地乃截然而不可紊者自首  
虜款互以互不邊關要隘去處未免盤詰以  
疎延鎮草莊以及寧鎮花馬池一帶草取  
塞外彼時六七日將官率領結隊往還人則  
出入無時且有奸頑軍餘夜宿虜帳數日  
方歸者蘭 靖莊紅地方人等希竊遠外松  
山礦利潛入草地甚有甘為虜使者計道

涼永等處向因虜衆往來內也胡越一家  
容易勾引如涼州奸軍王隆者幸而按之  
早也又兼以猾酋善結人心每遇亡命徒  
徒輒加恩馭推食解衣曲為牢籠以致流  
民及窮寒降丁間有歆艷動心投身塞外  
者若不嚴法禁以峻其防彼既知我虛實  
他日反為虜用貽患匪輕合無申明律例  
備行四鎮撫鎮責成各道各將領操防軍  
衛有司官員凡各邊隘口關門處所專設  
官軍嚴密盤詰守墩軍夜各照邊牆地界  
常川瞭望除官通軍夜公差外其餘軍民

人等但有無故越牆過口擅出竟外者即  
便追襲嚴拿審究照例問遣若係故背本  
土潛從外附及走泄事情者容臣會審明  
實照依律例議擬具題即便斬首梟示  
邊關以為漢人投夷之戒其延寧採草務  
要定期委官率領朝出暮返不許奸徒潛  
留塞外致惹事端蘭靖莊紅寺處嚴禁礦  
徒如潛放出邊該管將領操坐官廳縱容  
治罪甘肅虜既盡數出邊乘此清寧益加  
譏察俱期嚴峻大防杜絕後患又如地利  
不如人和為洲毆魚者獺也華人之入於

夷者豈得已哉夫虜虜不警獲免屠戮沿  
邊生聚日漸蕃衍矣但鄰邊有司雖多公  
勤政鮮拊輯操坐防守等官則科擾習為  
常套而培養沐息則未也軍丁息戰無鋒  
鏑死亡之禍脩築工役亦少告休矣但將  
領等官潔已恤軍者固多利已剝軍者已  
有之而蓄養威銳則未也勢窮思逃無恠  
乎有轉而之他者仍容臣會同各該撫臣  
立法禁約以後沿邊住種居民止於供辦  
租糧派守營堡各營堡軍丁止於整器養  
馬練習戰守此外一錢一物一差一役不

計科派苦累如有不才官負仍蹈前弊照  
例叅拏重示懲處庶恩法並行而軍民懷  
畏必將樂為我用而效死弗去矣收人心  
以固根本嚴邊界而鞏 中華安攘之長  
策或者其在是也伏乞 聖裁

一祛積累以實訓練竊惟用兵貴精兵精在  
練延寧甘固四鎮軍兵素堪戰陣自款塞  
以來操練罔聞士氣靡振倘爾寒盟緩急  
何恃該臣視事即已酌立規條播告各鎮  
將各營堡軍丁盡數查出逐一簡選先定  
部伍次定執把大操小練日省月試教

訓演青之副參遊守稽查試驗屬之守巡  
兵備臣與各撫鎮各於春秋巡行偏閱考  
其成而行賞罰由此著實舉行可望成效  
抑有三累焉三者何延寧之抽充也甘肅  
之節省也四鎮通丁窘乏壯士之消耗也  
而延鎮缺餉另案查議不與焉夫入衛之  
兵在延鎮者四枝在寧鎮者三枝重在護  
衛陵京固難輕議但往來更替歲無寧  
時工役脩營人無遺力比其反也輿尸携  
單慘不勝言而士卒之死亡馬匹之倒損  
十居二二矣休息無幾徵期又至一時無



措則於各鎮守營堡抽取壯丁壯馬補之  
若副總丘祁棟臨行抽取搶攬紛紜甚無  
紀律已經叅罰姑為記過然軍馬之精壯  
有數遞年之抽取無休全鎮株連坐致消  
耗一累也節省錢糧原為虜款免調客兵  
以故兵餉應有盈餘甘肅鎮原無客餉屢  
年以軍士逃亡馬匹倒死者即扣主餉內  
月糧料草而名為節省夫兵有額餉亦有  
額餉既有餘則兵必有虧額區區於節省  
之名任其軍士消耗營伍空虛而不之問  
一累也兵以奇用戰重前鋒四鎮降夷通

丁破敵衝鋒屢見奏凱自納款後既無搗  
巢趕馬之利而月糧一石不足糊口時每  
枵腹既銷壯氣因無固心或流徙他方或  
復歸虜地而駭椎之士日漸消耗何以倡  
勇敢而望批擣一累也以臣愚見延寧二  
鎮入衛兵馬回鎮之日即行整理軍缺則  
清勾戶丁丁絕則另行召募馬缺則議討  
馬價買補或取之互市惟求兵馬堪以禦  
侮抽取積累永為祛革寧鎮軍馬單弱相  
應照延鎮例止以兩遊擊營二枝更番副  
總兵一枝免其入衛協守地方以備緩急

井鎮孤懸既無客餉免論節省原缺額兵  
責成各該守巡兵備等道逐一清勾召補  
完足充實行伍至於降夷通丁先該前任  
總督戴 曾經題奉

欽依以臨倉扣除給稿然臨倉還官數本不多每名  
每季不過二三錢斗亦難濟數况其鎮  
又扣為節省乎臣任御史時巡視京營彼  
時議重前鋒各營漢人家丁每名支糧二  
石又查得宣大二鎮通丁除每月支糧一  
石外真虜每名每月加糧一石降虜每月  
加糧五斗聊可養贍合無先儘臨倉還官

糧銀次於主餉內湊放照宣大例真虜降  
虜分別加給以示優養就中分等與失本  
色折色聽照各鎮事例施行據四鎮冊報  
名數總計不過一千五百餘名計其所加  
以真降二項一石五斗而分每鎮每年加  
糧不過二千九百餘石耳汰老弱數虛冒  
一加意之間而自可充抵亦不必另議別  
項庶足兵足食而訓練可臻實效矣伏乞

聖裁

一甄將材以肅軍令竊惟各鎮總兵官係一  
方安危例得便宜行事而裨將

勅內亦明開軍士不用命者許以軍法從事是將之  
所以責士卒效死力者以其有此令耳奈  
之何款塞以來人心弛玩法紀因循苟且  
偷安怯懦不振漫然不知軍令為若何間  
有憤惋流弊者而欲振起之飛語四起流  
謗通衢竟不得安位而行志平時視之藐  
然臨陣則畏敵而不畏將安能驅之制勝  
乎若此者固玩愒之所致實威愛之未孚  
也蓋良將之治兵猶善御者之訓馬豐其  
芻粒節其足力而後責之千里脫或逸軌  
則鞭策之夫撫摩惠愛將之芻粒也申令

勅法將之鞭策也若先以潔已自矢禁私  
後止科擿恤饑寒同甘苦卒未曩不先署  
卒未合下然蓋視卒如嬰兒然及有不法  
者即如成梟之取民一蜀而立斬以殉楊  
素之後隊觀望而志行誅戮彼三軍者方  
將服其公且明畏威懷德之不暇而敢有  
非其上者哉今懸賞臣以後執以以甄馭  
諸將如愛洽矣威行矣號令嚴明三軍懷  
畏將之良者也雖謗書盈篋勿惑焉久其  
任五年十年可也崇其秩由亭障以至登  
壇亦可也若貪號食卑戾寡恩損威號令不

嚴隨壞軍法即便叅拏究治永綢終身不  
許寅緣復用庶將領得人而軍令自肅戰  
守之大要在是矣伏乞 聖裁

一嚴守欽以資保障竊惟四鎮仰奉

廟謨大脩邊政各城堡墩牆俱脩有次第矣然邊地  
土多沙礫蕪之風雨剝落日久難免圯薄  
若不以時善葺則數年之後盡為丘墟矣  
而畫地保守之令不可不申嚴也款順以  
來餘丁寓民逐於耕牧逼近大邊穴居野  
處忘其與虜鄰矣不惟驕畜蕃滋致虜垂  
涎而土重難移收斂未易况流寓之人尚

有不識面者一旦有警將何歸著且城非不高也臨時是守倉卒何恃而乘牆拒守之令不可不預講也合無備行各該撫臣責成守巡兵備等道及副叅守操等官將所轄城堡墩牆畫地保守毋致損壞按季一閱如有疎薄坍塌工少者董率本管軍夫脩補工大者查撥鄰近軍夫彼此協助務期脩復如舊相傳永久本管將官凡遇陞遷比照交代兵馬事例將城堡墩牆一交代明白方許離任新任將官亦不許朦朧接管違者俱以不職一體叅治其沿



邊居種人民仍責成各道照節年編派守  
城之法相度地里編入就近堡分春夏耕  
作任其便宜治生秋成移住堡內若緊急  
與在堡人併力棄墉拒守聽本堡該管官  
提調自守城之外分毫不許干擾則金湯  
永固收效預明昔人所謂設險守國堅壁  
清野者在我廣之守盟否有以待之矣伏  
乞 聖裁

一假便宜以寄閫外竊惟虜情秋防為急每  
年秋防三月總督駐守花馬池調度撫檄  
伏空官軍往回及掣放兵馬俱具疏奏

報此係題

准舊規節年遵守無異蓋彼時虜衆

擁河套邊患惟延寧為急自亦不刺殘破  
之後松山西海尚鮮虜蹤而甘固二鎮邊  
情稍緩以故經畧諸臣節次題有前議誠  
據要害扼喉吭之勝筭也第今日虜情則  
非昔比矣賓兔台吉延據大小松山父子  
兄弟種類日漸繁多切近甘鎮涼莊固鎮  
蘭靖等處丙兔台吉流住西海與克臬台  
吉等九枝跨牧黃河南北切近甘鎮西寧  
固鎮河洮等處而甘固與延寧均之為急  
矣四鎮俱臣聞外事如上年夏中丙兔台

吉掠番前皆臣董 將有洮河之行今歲  
秋中東虜與套虜回巢臣則有蘭靖之行  
若照舊規仍駐花馬牽制遙度安能悉中  
機宜矧該兵部題奉 欽依專除舊套一  
切戰守悉聽邊臣調度是授之以便宜也  
合無容臣以後每歲秋防一至花馬巡督  
不必株駐餘日仍厯緊急要害關隘一體  
閱查遇有警急隨之提兵向往庶少假便  
宜而調度可期不爽矣然猶有二議焉一  
則軍門中軍官 欽設之當議也一則  
西總兵官株守之當議也夫中軍官之號

今襄督軍機關係匪輕向來於養病閑住  
總兵副叅中往行選擇委用查得薊遼宣  
大二軍門中軍官副總兵叅將俱奉

欽依陞授陝西三邊軍務重大與二鎮相同似應一體陞授或副或叅查照

欽依事理欽遵行事專聽臣節制舉刺以便責成陝  
西總兵官秋防三月跟隨總督帶領兵馬  
擺守寧鎮花馬池延鎮定邊營大牆亦緣  
固鎮無事移彼協守是亦一策第近年以  
來陝西總兵官非剿階文之番則防河洮  
蘭靖之虜顧此失彼若仍令株守定邊花

馬等處勢不能也且延寧二鎮自西  
總兵官擺守邊界彼此秦越推諉閣邊  
備不無廢弛今歲秋防臣相度時宜除去  
擺守舊套責令各本路將領嚴督土兵分  
守信地協以客兵伏援陝西總兵官專守  
固鎮地方撫防番虜衆議俱以為便其陝  
西總兵原分延寧邊界相應仍歸二鎮各  
照一體脩守如有整怠聽臣酌量事機臨  
時調發協力禦防伏乞

聖裁

欽差總督陝西三邊軍務兵部左侍郎兼都察院右  
僉都御史臣邵光先謹

題為敬遵 明命甄別防禦文武諸臣并議虜王

藏僧

賞賚以慰華夷以廣 聖化事准巡撫甘肅兵部右  
侍郎侯 咨准總督部 咨為敷陳防虜事宜  
以圖保安邊疆事照得近報虜王俺荅已離海  
寺漸次東移將出甘鎮境界出境後各該防撫  
文武官員俱應遵照先奉 明旨分別功罪具  
題合咨前去煩將該鎮大小文武官員俱自  
虜王上年初來入境為始迄今歸巢出境之後

凡住牧與夫往返經過各地方要見某官提調  
某事某官經理某事某官防禦某處某官協守  
某處與夫處備犒賞差遣出入虜巢等項各供  
事人員某為勤勞某為踈略某為處置得宜某  
或周章錯戾某為勤能濟事某或徇畏誤事一  
一錄敘實蹟分別功罪明白備細開咨本部院  
以憑覆覈具 題施行至於虜王誦經脩善  
鈐東部落跟隨頭目恪守法令及藏僧導化有  
益并今隨送小僧應否併敘 賞賚亦希咨  
報准此行據分中西寧道右叅政李文呈稱遵  
照軍門撫院屢行牌案提兵會同副叅等官李

明尹瀟汪廷佐等晝夜防禦西至水泉東至安  
遠逶迤幾五百里諸虜經行閘門隘口多至數  
十處自到任迄今撫逐過達虜二百八十起計  
虜士萬有餘二年來奔馳行冒日無寧晷應  
守者守應援者援其款順乞討者量行撫犒分  
外求乞者理論停止及虜王東經鎮羌復蒙督  
撫檄示親帶兵馬移駐黑松一切宴賞賁馬防  
撫情節督同同知張栢通判胡松年涼州衛掌  
印官滿繼隆巡捕官李可久等曲突徹桑事事  
戒備虜王辭謝東歸地方保障無犯錢糧樽節  
有經絕無啓釁招侮各官勤勞允當敘錄分巡



西寧道副使張九一呈稱本道先任分守涼州正值虜王初過聲勢甚急即遵照督撫屢行凡一應宴賞分投委官先運赴經過處所沿途有備虜王忻然戴恩部落無敢跳梁為地方憂今當經鎮羌回巢又預備段校器物責令經歷李士寰密移古浪附近協濟守莊二道本道親駐山丹以防卜失免切盡諸虜乘間反側一切防撫事宜自任事以來逐虜於硤口扁都開市於洪水山丹或受策撫院羈縻日勤或視桴窮邊艱辛備歷節據塘報共計撫逐過虜數約二十萬有餘各甯勞勩宜錄並無畏徇疎虞西寧

備道副使董汝漢呈稱蒙軍門并撫院因虜王  
移駐西海案行本道先事戒嚴及一至海寺今  
日索米麪明日索布帛今日索匠役明日索顏  
料虜或七八人或十數人摩肩累騎者塞鄙相  
望可處者酌給運持以去如過索無以應亦大  
費唇吻曲諭之以塞其請其西北二川俱係通  
海要路番漢雜沓每昕夕設兵按伏隄備雖未  
對壘俘馘實枕戈未敢解嚴虜王并藏僧終始  
帖然其各項官役通夜撫諭勤勞功當叙錄甘  
肅行太僕寺卿馬出圖呈稱自虜王過海之日  
以及今出海之期地方原無積蓄錢糧止有椿

頭朋合銀兩係買馬支銷今蒙軍門并撫院牌  
面預備虜土經過量准買馬盤纏虜衆紛擾該  
本寺行主簿李鳴鳳分鑒親驗秤兌無差著落  
同知張栢給付官軍領買又替本官各徧莊堡  
省諭鄉兵防範收斂一特地方毫無疎虞鄉村  
安堵且馬匹印烙給軍營伍賴以充實錢糧查  
無冒破情弊莊浪兵備道少卿兼無事石損呈  
稱自本道入境以來即當順義固軍之衝每會  
叅將劉承嗣差人前赴西海哨探及報過鎮羌消  
息地方寒苦百無所出遵照軍門并撫院屢行  
牌案星夜差人前去臨鞏三原等處收買段校

并各項雜用物件及復差人邀其入境宴賞禮  
待一一各照等第行令通判李逢明等撫待本  
道帶領兵馬移駐岔口凡所管堡寨盡行設備  
買馬銀貨並無短少虜王及各部落各皆安靜  
守法一毫無失供事官員入役誠為效有勤勞  
甘肅兵備道僉事李尙呈稱向為虜王在海邊  
蒙督撫明文謹守信地以防復讐諸虜遂督責  
兵將晝夜偵哨隄備一時不敢怠緩嗣是果有  
諸部落屢差驍騎窺視瓦剌往來不斷又欲結  
好哈密以圖假道該本道蒙督撫示諭密遣人  
於哈密守土者以離間之後有超忽兒極號狡

猾先行帶領部落二三千以為前鋒盤住數月  
聞虜王東還及驅逐卜失兔等各回故巢又復  
經由所屬即親行督率叅遊守操各官嚴明烽  
堠隄備致令邊外徑行亦無敢復肆驕橫又據  
督理甘固糧儲戶部郎中高時呈稱自虜王以  
來部落往來甚衆聞知將領軍士多發沿途邊  
堡按伏防範應該折色民運銀兩各州縣但有  
解到即照原封發給如有拖欠不時嚴行催督  
依期饋運竝無延緩各等因到職卷查准兵  
部咨節該宣大前任總督兵部尚書方 侍郎  
吳 大同巡撫今陞總督宣大侍郎鄭 宣府

巡撫今陞兵部侍郎王 兵科都給事中裴

才 左給事中李 先後巡按陝西監察御史

邢 趙 李 羅 巡按直隸監察御史黃

雲南道監察御史馬 南京廣東等道監察御

史林 等各具 題俱以虜主離巢遠赴西海

孤懸重鎮萬分可虞鈞求邊境寧謐等因節該

本部覆議責成督撫同心協力設法隄備及或

曰傳諭俸荅不許妄行索討或曰隨宜撫處不

可周章憂懼或曰勒令約束無容騷擾密諭熟

番斂避或曰經過處所整兵設伏以備不虞或

曰脩戰守示羈縻處置番族得宜或曰禁茶市

量酌給申嚴法令以重

典制俱題奉

欽依備咨前來又准宣大軍門咨內稱虜王欲過西  
海甘寧延固各宜隄備撫犒等因准此該職會  
同前任總督董 將分布兵馬防撫事宜題行  
該部覆奉

欽依備咨前來該職慮以本鎮孤懸絕塞地方綿邈  
番虜四逼窺伺平時尚且難支今加順義又總  
雲谷衆酋拜卜失兔環套枝節雲擁潰出一隅  
兵力何勝撫遂故當虜王未入境之先即出  
傳諭各該地方官餘軍民凡虜王應用預備

犒俱係在官錢糧一毫不許聽信科派本院親  
行督兵防範自保無虞毋得妄言惑衆毋得啓  
釁交通選差官通在於寧夏智蘭山後寒澗處  
所探得虜王帶領頭目并部落甚衆欲由涼州  
寧遠入水泉兒境一面行令先任分守西寧道  
叅議今陞分巡道副使張九一賞給犒待一面  
行西寧兵備道副使董汝漢備辦海寺應用諸  
凡物件一面令撫夷官薛如玉帶領通事持職  
牌面限以日程住止所在安置鍋灶備給供應  
以防奔逸間萬曆六年四月內節據副總兵等  
官李昫等各塘報虜王俺荅率領各頭目於本



月十六日自境外昌寧湖起營由寧遠堡閣門  
入邊住歇周家灣職又恐虜情叵測跟隨撥置  
乃以佛本夷教虜風崇信可即以迎佛利導差  
弘化寺僧人領真藏卜率領徒衆七八人與虜  
行則聯轡教以正果善言止則焚脩誘以慈悲  
諸法群酋禮敬奉持十七日起營由永昌城迤  
西過大路到橫梁山滾石溝一帶住歇二十二  
日起營到新城兒石頭口一帶駐歇二十七日  
起營由西南川到大河口駐歇二十八日起營  
由西九條嶺透洪水花寨曹古城地万到大馬  
營泉腦住歇五月初一日起營到扁都口住歇

初三日辰時帶領隨行部落俱已出境續後虜騎不時絡繹行走沿途一毫無犯止於出口時量買馬匹充為布施以准西海弟姪子男互市之數一應料理俱都司姜河并今遊擊王國柱原任守備鄧勲共為之及至扁都口又備出境宴犒賞待使往西海禮佛去訖所用油蠟米麵香紙遇乞甘州則甘城備之遇乞西寧則西寧備之事情冗俗雖不可枚舉一時虜王果聽諭守法茲無別項情態宗虜部僧徒人衆齋供浩繁或半月而一賣馬或數日而差人討賞又欲大開馬市於甘涼之說比照番夷求賣茶馬之

說在市馬則無錢糧在茶馬則犯

明禁勢甚難為時兵部左侍郎邵 奉

命總督自到任以來每准咨文通行各該兵備守巡將領操坐等官整練兵馬振揚威武慎固城守儲積糧餉選差官通傳諭虜王鈐令各虜邊外經行哨探各虜西驛消息如果守盟照常撫處倘有變動相機堵遏不時馳報以憑施行是誠與職協心共謀凡事著實舉行該職時常巡歷西自嘉峪東至西寧無險遠大小堡寨靡不躬至其地一有見聞申飭各道轉行各該將領文武等官刻意遵行但有干涉虜情星夜塘報調

度處分然西海相離固原甘鎮隔遠其宜大總  
督侍郎吳 并大同巡撫今總督卹 原差宣  
大官通珊瑚弋桃趙從政相伴而來甚為暢曉  
夷情職又會同軍門選差甘州二僧把死卜虎  
囊素守定藏僧固原通官申小達子即申佑陶  
染等甘州通官李福保郭銘等守住虜王復以  
百戶王良臣官通周東李文學王甲饒彥章紀  
臣宛得才胡祿紀淮等輪番探聽往來傳報凡  
僧虜動向靡不先知隨有虜王信佛甚篤代求  
藏僧進

貢該職咨行總督部 會本題

准頒給

勅賞圖書職事虜王自謂有功藏僧而藏僧受恩

中國朝夕思樂為用職與總督部 見得虜衆傾

巢而未不可不防共思藏僧遠來虜衆誦為活

佛其轉移回巢鈴攝群醜此固大機括矣遂以

三事邀請藏僧一曰為

聖上祝延萬歲二曰祈

天風調雨順伍穀豐登三口禳除時疫天下太平藏

僧乃躬詣壇場虔誠誦祝職復擇公署靜室相

與講扣釋典性多詳悟情既洽遂從容語以

內閣本兵大意諭令順義回套恐其年老無常反

與爾弗便所賣馬匹指為布施老弱不堪倒死  
累軍陪補有損善教茶馬另有

欽差御史專管為番夷度生與虜無干藏僧領受去  
後虜王及部落約半年絕口不言賣馬每月可  
省千金又因茶馬御史題

准禁止番茶兼

內閣輔臣諭示不可輕許不惟大馬市不開而以  
茶易馬遂泯然矣間或求討食茶官庫貯有押  
送回夷序班價買包茶五千餘包用之不盡且  
未拂其情也但延寧套虜卜失兔阿不害各部  
因往年西掠瓦剌備遭挫衄乃糾連虜王聲言

讐殺戍刺且欲威脅回番諸夷大小部落精騎  
又有十萬餘延互數百里涼永甘屬硤口水泉  
寧遠等處往來如蜂如螳或戀牧豐草趨趨南  
山或施捨佛僧糾纏海上或覬覦近郊邀求犒  
賞或會事索降絡繹不絕該職與總督部通  
行守巡二道將領自扁都口一帶恐耕牧不便  
發正兵營兵馬分布堡寨自鎮城東至水泉大  
路發奇兵副總兵王國勲標下遊擊王國柱各  
輪一月帶領兵馬每十里添撥巡軍每堡寨加  
設按伏督同信地都司守備日每巡邏其永昌  
一帶二副總兵李昫尹瀛輪住高古城帶領兵

馬防護南山耕牧收穫心皆朝夕無暇職又置  
為柄牌不時傳宣一切事務虜情防禦撫處不  
許玩怠仍以軍法警省明示凡百撫待宴賞隄  
備收斂各求詳盡仍多差人哨探停安惟求  
夷情允服地方無擾職思虜王居海已久遲遲  
不歸者非但部落盤聚難解亦以諸虜相煽復  
讐未決及有順義書稱欲求和哈密假道復讎  
瓦剌譎圖得肆河西尚有息肩期邪該職揭報  
閣部示以會同軍門當為力止但諸部落復讎以  
此為上策乃先陰搗原仕虜帳回夷借為間諜  
密傳哈密守土老人諭以利害默為禁遏各司



道會議通呈粘附在卷本年六月見虜王不行  
恐天寒草枯將支吾再歲隨差官通申佑李福  
保等再行

廟堂令其早還故巢不得久留受病撫諭該各官  
通回稱虜王云固原靈門甘肅都撫傳示

內閣兵部勸我回套為我年老子幼好心我依著

七月初五日起身及官通問其去路虜王以先

次已入扁都口地方官漫令各處衆多恐攪擾

生事又卜失免達子相在路邊等候倘留住不

得早行可由鎮羌無梁處經過方便一報

軍門即各行職事至有未歸消息難奉前

守盟約固無他虞然隨從頭目部落衆多狼子野心恐難一一制馴在我防撫尤當萬分嚴慎除本部院不日提兵移駐蘭州就近調度外煩爲會同總兵官即查虜王的名於何月日自某地方起身由該鎮某地方經過中間左右調有某營官兵駐劄如或兵力不敷再應調鄰近某營官兵馳赴按伏總兵官提兵與該道俱移駐就近城堡相機防撫大率兵馬要聯絡形聲不可先露陽示撫處陰爲隄防其一切撫賞宴待乞求盤纏等項固不可過厚以滋虜欲亦不可峻拒以啓觖望要在本院與主將并該道臨時隨

機應變斟酌而行仍將起身的日經過出境地方設備官兵緣由咨報該職查得虜王起身離海雖有消息而經由道踞尚無的確況回巢窮蹙與先至之日不同所有防禦事宜委應預備以保萬全備照軍門及先今題

准兵部議覆事理行今在浪道備辦入境撫待分守道備辦出境撫待分巡道通行協濟二道以備缺乏職仍將兵馬一一設備以防不測其西寧然將楊繼芳并二操守張繼武史守寧兵馬聽會該道分布各川以防復離未行之虜不可以虜將行既行而懈其終甘西平川守備馮官甘

肅遊擊楊恩鎮惠操守汛口肅州叅將姜顯宗  
兵馬會該道各整棚頂待以防復離將過之虞  
或聽調遣不可以虜未至而偷安探得虜王  
華寺起身欲至黑河會軍此其入內總路如由  
鎮差自黑古城西古城濫泥寬溝橫過大路無  
堡寨直從本堡閘門出邊有安遠黑松古浪靖  
邊大河涼州居虜行路之左仕安遠有僑禦都  
司唐堯輔黑松有涼莊遊擊謝鉉古浪有操守  
方濟文各兵馬靖邊大河止有防守管驛官但  
鎮差兵馬不多而安遠古浪靖邊大河亦止宜  
守本堡其黑松遊擊兵馬半駐黑松半調安遠

遊擊隨之涼州副總兵李昫亦量帶兵馬移注  
安遠相聯防禦岔口武勝莊浪居虜行踞之右  
武勝岔口止有防守其兵馬宜守本堡莊浪叅  
將劉承嗣兵馬移駐鎮羌協同守備王允恭百  
凡料理帶管上操魯光輔護守莊浪城池紅城  
子守備王一心分兵南大通各相聯防禦如有  
不敷鎮番叅將汪廷佐馳赴古浪永昌副總兵  
尹廉移駐涼州各按伏暫署總兵事副總兵王  
國勳提督正兵并本營兵馬二三十名親行分  
布安遠黑松古浪等處東則莊浪兵備道移駐  
岔口西則分守西寧道移駐安遠或古浪分巡

西寧道移駐石硤會同王國勲相機撫防甘肅  
行大牒寺卿移駐古浪查驗馬匹如由扁都口  
入境必至寧遠堡出境中間有洪水黑城花寨  
大營堡暖泉山丹新河石硤水泉兒河東河西  
二堡居虜行踞之左山丹洪水雖有守備石硤  
雖有都司黑城花寨大營暖泉新河水泉止有  
防守不惟地衝兵寡而荒草長茂青嫩必為虜  
所戀牧其各兵馬止宜保守本堡雜項指使而  
洪水黑城花寨大營堡因虜衆往來向俱正兵  
營撥兵協同防守撫阻石硤水泉并其中各堡  
直至東樂俱贗理奇兵二營輪班防範兼保經

行今遇虜王經過見調奇兵營添撥兵馬令千  
總官移駐洪水標下游擊王國柱帶兵移駐大  
營堡各駐劄相聯防禦高古城水磨川永昌衛  
沙河懷安涼州衛永寧堡寧遠堡俱居虜行跡  
之右內永昌有副總兵尹濂涼州有副總兵李  
昫如高古城水磨川沙河懷安永寧止有防守  
管驛官寧遠雖有守備俱難獨支涼州副總兵  
宜至高古城并分兵寧遠協濟永昌副總兵則  
分兵水磨川并零星崇岡金川王秀鋪及出遣  
寧遠送跡所在各駐劄相聯防禦如或兵力不  
敷贊理奇兵二營應該輪班官軍查照馳赴按

伏暫署總兵事王國勲提正奇二營兵馬二三  
千名移駐附近堡寨分守西寧道移註永昌永  
寧分巡西寧道移駐黑城新河山丹會同王國  
勲各相機撫禦甘肅行大僕寺卿移駐江水查  
驗馬匹其間文官如同知通判經歷知事武官  
都司指揮千百戶通夜等官役或督率鄉兵收  
歛保守或司銀帛犒待或計買馬匹牛羊盤纏  
各聽該道隨其所長委用將至寧遠之時與既  
過寧遠之後勢皆東壯而行鎮番叅將汪廷佐  
將沿邊一帶或內或外悉加隄備而李昫尹濂  
兵馬亦不當遽掣仍防後至及反噬各情大率



兵馬聯絡既以陽撫陰防其一切撫犒宴待自  
虜土而下各分別大小以為差等變賣牛羊盤  
纏量其價值以為銀貨多寡勿令過厚以傷財  
勿得嚴拒以拂虜一一悉遵軍門方略調度其  
本職駐劄所在俟臨期將標下遊擊年兵馬親  
行盡數帶領相度緩急東則涼永莊浪西則山  
丹石硤未盡事宜主將該道臨時變通不可膠  
於一定若夫嚴諭軍民番族早為收斂不許張  
皇不許與虜交通竊取虜物俱行該道嚴密告  
示張掛已經咨報會行其軍門於七月廿二日  
固原至蘭州職於六月初旬至山丹漸移

各提兵駐劄間又准軍門咨稱莊浪兵馬單弱  
復行加添標下勁兵分發各堡協同防禦其一  
切撫防事宜似為極周且備但隨行虜衆各附  
虜王前後而甘永涼州隨山隨口擁集而歸紛  
紛紜紜殆不知幾十萬衆內有告討賣給牛羊  
乾糧盤纏悉行守巡二道相機分投委官量准  
親信頭目易換布梭飯米作速押送就便開門  
聽其出境其虜王處則有軍門與職會給牌面  
約束部落不許騷擾虜王遵守且感戴恩禮大  
小頭目均霑每切切留心禁治俱不敢纏擾生  
事真與編民馴服無異於八月二十八日由大

通河寬溝兒入鎮羌境界職遵照軍門原行備  
行各道委官自順義并妻子而下一切頭目台  
吉首領哈等酌量大小重輕各給授賞犒告乞  
賣馬兼易銀貨以資盤纏即於九月十一日自  
鎮羌東閭門出境透往東北草地去訖虜王及  
諸部落雖居海二年所費錢糧數亦不多既未  
滋虜款亦未致缺望並無輕率畏徇啓釁招侮  
之事是其撫防之勞比之對壘相敵者功倍萬  
全等因又准巡撫寧夏右副都御史羅 咨准  
總督部 咨同前事據報虜王俺荅七月初五  
日自仰華寺起身回巢除本部院不日提兵移

駐蘭州次移靖虜及寧夏一帶就近調度外合  
咨前去煩為會同總兵官嚴行各該大小將領  
等官各將所部兵馬著實整練以備緩急一面  
選差乖覺通夜遠為哨探虜王俺荅自某月日  
離甘鎮某地方境界見在何處或駐收或兼行  
相距本鎮幾日之程約有若干里若徑奔賀蘭  
山後迤北經行歸巢即我境外止宜嚴兵固守  
免事遠交如彼有所乞求不妨量給以示恩信  
若由賀蘭山附近及平虜城地方經行即我境  
界所宜周防不可少懈大約至某月日可到該  
鎮境外某月日可以離境務要預先籌畫應發

某管官兵若干前去某處駐劄按伏總兵官仍  
提兵與該道移駐就近城堡相機防禦大率兵  
馬要聯絡形聲不可先露陽示撫處陰為隄防  
其一切撫賞宴待乞求盤纏等項要在本院與  
主將并該道臨時隨機應變斟酌而行至於赤  
木口中衛乃通套捷路惟恐姦人引誘由此經  
行亦當先探防備設計預阻一面將近境の日  
與經過地方遠近及大約離境日期設備過官  
兵緣由先行咨報以憑施行准此該本職即會  
同總兵官張臣通行各該兵備叅遊協守等官  
整練兵馬以備緩急調遣一面選差通官得勝

等前去什鎮會同軍門原差通官哨探俺答經  
行道路消息續據齎報本王與職書云西海迎  
佛已畢有固原宣大總督甘肅都撫傳示

內閣兵部勸我回套為我年老子幼好意今從寧  
夏地方過河套內蓋寺造佛又准總督部咨

據原差守探通官申佑李文學具報虜王欲經  
由寧夏地方過河等情本部院切慮自此而東  
迤南則逼近固鎮蘭靖一帶地方迤北則由松  
山切近寧夏中衛及赤木口等處境界稍北則  
從賀蘭山後經行設法諭阻正在喫緊除本部  
院移駐寧夏適中小鹽池地方相機調度一面

差人前去虜營宣布

朝廷恩威諭以

封貢大義彼時西行禮佛止於甘鎮經過今未奉

明旨難由寧夏內地宜從舊路歸巢若有違悖恐難  
保令名及設法誘阻外合咨前去煩為查照原  
行哨探虜王如果由山後經行差人乞討宴賞  
查照甘鎮事規酌行如有欲由中衛赤水口一  
帶經行消息一面選差官通深入虜營設法間  
諜寢杜虜謀仍一面將中衛赤水口各要路水  
田徹壩放水注成巨浸橫城馬頭船隻酌量撐  
匿使之知無船可渡有水難行無草可牧不經

內地嚴峻夷夏之防斯為完策事完將效勞人  
員敘錄咨報准此隨據本職原差通丁得勝等  
走報虜王已於九月十一日從鎮羌起身出邊  
要從寧夏地方過河回套蓋寺造佛等情談本  
職切思虜王回巢欲由內地渡河此犬羊圖捷  
取便之私耳然邊關為華夷大防豈可輕令虜  
衆驅馳內地況未奉

明旨安敢聽從自後此際防撫阻諭喫緊攸關職有  
隱憂焉隨即會同總兵官張臣遵照軍門原行  
選差通官把亦等前去虜王帳內多方撫諭及  
宣傳松山住牧分定寧夏互市首首賓免勸阻



虜王宜感 天朝恩德守

朝廷法度仍由舊跡歸巢不可經由內地賓兔即欣然應承一面行各該叅遊協守等官查照原議信地設伏總督部 移駐寧夏小鹽池本職移駐邵綱堡各通中調度寧夏兵糧道僉事周有光處備撫宴等物總兵官張臣提兵各移平羌堡赤水口地方以待十月初一日虜王俺荅帶領大小頭目部落住歇赤水口邊外地名亂井尚稱欲向內地取捷回巢因前賓兔講說官通撫阻以出猶豫未決本職即查照軍門原行令徧地放水示以人馬難行之狀撐匿船隻示

以人馬難渡之形復差撫夷守備卹賜帶領慣  
走虜營通丁吳教堪等前去會同軍門原差通  
官申佑等照前宣諭虜主探實內道難行河無  
可渡即行聽從部落求賣馬匹以資盤纏本職  
督同該道僉事周有光都司等官戚龍施才等  
查照甘鎮事規酌備撫賞筵宴易馬貨價等項  
於本月初五日運至赤木口邊外亂井地方虜  
王帳內處所逐一宴賞易馬畢虜王傳示部落  
受過

中國大恩不可經由內地騷擾漢人即於初六日  
申時由川底原跣回巢訖等因并各敘防撫效

勞供事文武官員及稱虜王俺荅等與卜失兔  
阿不害切盡黃台吉賓兔台吉丙兔台吉及藏  
僧鎖南堅叅等亦應併敘又准巡撫侯 咨准  
總督部 咨為申嚴防範以戒不虞事照得虜  
王雖已東歸然套虜卜失兔阿不害切盡黃台  
吉等率衆住牧甘泉南山一帶糾聚各枝欲讐  
瓦剌雖夷狄相攻

中國之利但彼部落既衆徒黨寔繁夷性犬羊恐  
難制馴在我防範均當戒嚴合咨前去煩為會  
同總兵官嚴行各道及大小將領等官整飭兵  
馬嚴慎城池比常十分加謹隄備仍選差的當

官通前去虜營傳諭各酋若欲往讐尾刺則當  
西出境外若不往則當各回原巢不許在此久  
住仍將動靜消息不時塘報軍門以憑施行其  
一切防撫事宜要在本院與主將相機而酌行  
之大要撫處彈制並行不悖操縱張弛允協機  
宜為上也等因准此行據守巡西寧二道右叅  
政李文副使張九一呈稱原住甘涼永昌南山  
一帶接擁海寺諸虜巢帳聯絡延互約幾千五  
百里止為復讐原無遠去之意遵蒙督撫明文  
一面將卜失兔阿不害切盡黃台吉即省令撫  
夷官通臧繼武王良臣王甲著落押送仍督各

該將領將大頭目威正恰把不能等十四五大  
技各准給牛羊小市令其作為盤纏其餘小頭  
目及零星諸虜一面燒荒兼行驅逐懷恩者固  
不勝其感激而畏威者亦不勝其蒙恩各皆聞  
風爭趨若恐或後原其所以實由軍門帶兵久  
駐蘭州先以樹之風聲撫院隨帶兵馬巡行沿  
途盛張聲勢因此卜失兔阿不害切盡黃台吉  
去力哥等各部落精兵并老小不計其數俱從  
石硤水泉毛卜刺永寧蔡旗黑山寧遠新河北  
腰墩乾河板橋等處各開門遍地馱載帳房跟  
趕牲畜陸續東行數年結聚之虜各邊會集之

酋一時出邊盡絕等因各緣由到臣卷查先准  
兵部咨為虜王擁眾離巢遠赴西寧海上孤懸  
重鎮萬分可虞懇乞

聖明速賜禁遏以保安疆圍事該巡按陝西監察御  
史邢 題前事本部覆議合候

命下移咨陝西督撫如果諸虜以建醮而求請齋祭  
油麵茶果之類亦須隨宜給發以慰虜情餘聽  
隨宜撫處既下可過事周章以自生憂懼尤不  
宜示虜疑形以生虜心等因又准本部咨為虜  
酋率眾西行仰佛乞

勅該鎮諸臣便宜防撫以戒不虞事該兵科都給事

中裴等題前事又該總督宣大山西軍務太子少保兵部尚書方題為夷情事本部覆議合候

命下移咨各督撫諸臣在陝延寧二鎮虜王果由河套外賀蘭山後經行遠不相聞但當各守疆圉免事遠交其甘肅鎮如遇虜王或至境上或由內地經過預行各地方官嚴加守斂冬令官通聊為犒撫勒定約束無違落駭揚生事自不拒阻務內脩防禦外示恩勞之恩以資戰守敢肆別逞即當嚴諭重責令戒治仍宜戰守致縱寇納侮等因又准本部咨該巡撫陝

西監察御史李 題為虜王垂涎茶市懇乞

聖明亟 賜禁止以裨

國計以固邊防事又准本部咨該總督宣大山西  
軍務兵部右侍郎吳 并巡撫大同右副都御  
史鄭 各題為夷情事又准本部咨該巡按直  
隸監察御史黃 題為虜王率衆西行乞

勅當事諸臣嚴戒備預撫處以固疆圉事又准本部  
咨該雲南道監察御史馬 南京廣東等道監  
察御史林 等各題為災異頻仍謹條時政懇  
乞

聖明隨時脩省以回



天變以圖治安事俱覆奉

欽依移咨前來又准宣大總督侍郎吳 咨同前事  
節行甘寧延固撫鎮衙門通行欽遵防撫間又  
准本部咨為敷陳防虜事宜以圖保安邊疆事  
該前總督董 會同巡撫侯 具

題虜王西行一切防禦撫處事宜本部覆議恭候  
命下移咨陝西督撫查照原議嚴督本鎮大小文武  
各官照依分管信地加意隄防應撫應禦相機  
行事固不可周章以損威重亦不宜疎略以啓  
釁端如有怠玩債事不奉約束者並聽指名參  
究倘虜別有請索要中茶馬即便差宣大熟議

不通大路原設脚力二十九頭人夫八名每  
遇接送官使雇馬一匹用銀一兩雇夫一名  
用銀六錢擺設中火遠處用銀三五兩近處  
用銀一二兩官職大者費銀百餘兩官職次  
者費銀三五十兩計一年約有二三千金該  
縣無正額錢糧皆借里甲湊辦以致人民逃  
竄雞犬罕音言之可為流涕嘉靖四十二年  
間該前任撫治鄖陽都御史吳 目擊艱苦  
題

請塞路迄今十餘年來竟未見遏絕者雖是人情說  
惕亦因當時塞路之議未得其要領爾臣等

為商南縣經過官使由河南來道出南陽府  
新野縣自陝西來道出西安府京兆驛此三  
處固岐路所由分也合無請

旨申飭遇南來者着落南陽新野府縣官遇北來者  
着落西安府官當將傳牌阻回令其從洛陽  
及潼關大路經行如府縣官不肯攔阻或官  
使仍假徑路取便者即至商南竟內該縣不  
許應付聽臣等通將各府縣掌印官及經過  
官使據實

題叅從重究處則法嚴而人心不敢犯路塞而疲  
困自甦伏乞 聖裁

總兵等官李昫等各塘報虜王俺荅於萬曆六年四月十六日自境外昌寧湖起營由寧遠堡間門入遼從周家灣永昌城迤西過大路橫梁山滾石溝新城兒石頭口大河口九條嶺洪水花寨曹古城大馬營泉腦扁都口至五月初三日辰時帶領隨行部落俱已出境續後虜騎不時絡繹行走沿途一毫無犯等因前來談前督臣董會同撫臣侯具本題

知訖臣奉

命於本年九月十九日抵鎮看得虜王俺荅久居海寺雖曰禮佛建醮恪守盟約但跟隨部落衆多

與夫河套松山西海諸酋往來蒙際易生選差  
通官申佑陶淦周東李文學隨帶布梭米麪等  
物前去西海會同宣大通官劉明等在於虜王  
俺荅帳內假以布施更番守探以觀動定及行  
甘肅撫鎮守巡兵備及大小將領整練兵馬陽  
示撫慶陰為隄防務保無虞間又准本部咨該  
巡按陝西監察御史趙 題為虜王久駐西海  
地方不便懇乞

聖明早

賜議處以慰邊氓事又准本部咨該巡按陝西監察  
御史羅 題為虜王援市要求懇不可厭懇乞

聖明亟

賜禁止以靖邊圉事本部俱覆奉

欽依備咨前來通行甘固撫鎮遵依訖續准巡撫侯  
次為議慶虜王代乞藏僧脩

貢以彰

聖化事內種虜王俺答代乞藏僧鎖南堅察等進  
貢方物馬匹乞要優授職事等因該臣會同撫臣  
侯具本題行禮部覆奉

欽依賜授鎖南堅察大覺禪師星吉藏卜都綱職事  
圖書僧帽袈裟與俺答及跟隨頭目把漢那吉  
等一併

降勅賞賚衣襲綵段等項已經委差臣標下千總原任都司張九功等領賚前去西海虜營

頒給領訖續准兵部咨為邊鎮急缺馬價收買市貨懇乞 聖慈早賜議發銀兩以濟急用事題奉欽依動支人僕寺馬價銀三萬兩差主事朱衣解發前來聽臣酌量分發甘寧二鎮各一萬五千兩以充市本及虜王在海東歸宴待撫賞之用又准本部咨為秋防屆期乞

申飭邊臣以裨安攘事又准本部咨該兵科署科事左給事中李 等題為遵

廟謨獻愚忠以飭秋防以保治安事俱覆題奉

欽此備咨通行各撫鎮遵依去後續據臣原差通官  
申佑等從西海齊回虜王與臣書內云七月初  
五日從西海起身等情隨經通行甘肅撫鎮督  
同該道將領查探經行道路相機撫防臣量帶  
標兵移駐蘭州就近調度及通行固原寧夏延  
綏各撫鎮嚴督文武將吏一面整兵以備緩急  
一而偵探以為預待本年八月內據莊浪兵備  
道少卿兼僉事石欽叅將劉承嗣探報虜王隨  
帶部落於本月二十八日由大通河寬溝兒入  
鎮羌境界等情臣恐莊浪兵馬單弱量發標下  
千總劉葵等帶領標兵三百名前去協同防禦



續准巡撫侯 咨稱虜王俺荅於九月十一  
日自鎮羌東閤門出境透往東北草地去訖等  
因准此隨據原差守探通官申佑李文學探報  
虜王要從寧夏中衛赤木口地方徑過河套內  
蓋寺造佛等情臣隨於蘭州起行東移靖虜及  
寧夏適中小鹽池地方相機調度仍一面備行  
寧夏撫鎮整兵預待選差官通設法間諜寢柱  
虜謀徹霸放水撐匿船隻以阻行計及差通官  
申佑等前去虜營以大義宣諭虜王亦即依允  
續准巡撫羅 咨報撫諭虜王俺荅依從於十  
月初六日仍由邊外川底舊路回巢并宴犒營

馬緣由前來該臣隨將虜王出甘鎮境界及經  
寧夏境外由川底原踏回巢日期緣由二次具  
本題

知訖今准前因臣惟止虜為

中國患自古然矣

三帝三王不能除秦漢以來不能服迄於胡元而其  
變極矣幸而

天啓

皇明

大祖高皇帝迅掃腥膻復古今

帝王之統

成祖文皇帝犁平沙漠奠內外夷夏之防二百年来  
各虜固向背靡常至嘉靖間俺荅則黠橫滋甚  
雄據北庭萬有餘里侵擾各塞五十餘年遇我  
穆宗莊皇帝

格

天心之助順致孽孫之來降俺荅執叛獻俘傾心效  
款仰蒙 睿衷獨斷

特用良輔淵謀

錫以王封許之貢市俺酋既稽顙而臣服套虜亦嚮  
化而來歸蓋九年於此矣然東西塞界各有攸  
分而照種撫防尚易為力詎意順義王俺荅託

禮佛教移帳西行大糾宣雲以及河套諸部盤  
據西海者三十餘萬往來涼永者日無寧時癰  
結難消積薪可慮呼吸之間安危之繫也其相  
緩急而隄備因情勢而輯綏期不輕率畏徇啓  
釁招侮以仰副

明命誠有未易者大小文武咸切隱憂臣聞外叨司  
更抱危慄而安能逆覩有今日也即如虜王入  
甘境首以開馬市為乞夫宣大已開馬市矣毋  
論荒邊虛耗措辦不前即屬羸餘事體亦疑幸  
而百方開諭及謂先

奏停宣大而後此中徐圖虜王遂語塞而馬市止

矣臨行雖易馬五百匹乃告作盤纏以恤窮蹙  
耳虜王日會藏僧垂涎茶市夫茶市乃

中國制番之命而濟邊之急甚大計也若奪番之  
茶而阨之嗟番不中馬而化之虜非所以羈戎  
羌而剪羽翼也幸而諭以番虜各有所市而虜  
不易茶奉有

嚴旨若應佛僧齋醮之用止應量為處給難以侵奪  
番利遂不復言而茶市止矣佛僧乃虜王之所  
敬信以為進止者使貪其餌而為之謀吾事去  
矣幸而撫臣招邀入鎮首祝

如壽次祈年豐次禳民災徐徐密語以機事及

進貢方物授職給賞。佛僧益為我用矣。虜聚日久，易起戎心。動靜消息全在偵伺。通官申佑、陶染、李福保等密約大、通官珊瑚等日窺左右，以觀其變。或用間以離其心，或危言以挫其銳，及結誘親信者以白其機。而虜情常在目中矣。虜王名雖迎佛，意在構怨。若乘勝則驕溢之氣益恣，遭挫則憤懣之心未已。進退徘徊，歸巢無期。其為疆場害未已也。各通官每以成敗利鈍，借言為間。虜王老於兵者，計正無聊，及宣諭內閣兵部之意，即幡然依聽。假以年時未吉，且東回以圖後舉。其情尚繫敵國而利我。

中國者有在也虜王既不得志於无刺則無以掩  
群醜耳目遂倡和土魯番哈密之說令虜使出  
嘉峪關意欲挾

中國之勢以要之及諭以大義不得由禁關而又  
先洩其謀於哈密保全貢夷而為我藩籬者尚  
固也虜王乃切盡黃台吉誘之而西切盡因虜  
王不與同讐鼓卜失兔同糾虜衆十五枝住於  
黃草灘已將那吉誘之帳內而欲邀留虜王會  
事以阻東歸及導之出鎮羌謂水草便虜王  
唯而姦計遂沮矣寧夏鎮城

宗無樹屏于係匪經  
四外有漢唐渠壩本鎮今修

所關安可使虜窺之倘此端一開則套虜徂  
松山徑踞而後事未可知也幸而放水匿船多  
方伐謀及諭以失信難保令名遂仍回川底行  
而寧鎮內地得以無擾矣虜王已行卜失免切  
盡羞憤無聊蜂聚涼永南山占戀水草惟恐別  
啟事端及設法宣諭而驅逐之遂席捲而東而  
甘鎮內地無一虜帳矣其若虜之住者陳兵彈  
制行者隨兵護防或犄角或按伏勞不勝言告  
恤者隨宜處置妄乞者據理論止朝應此暮酬  
彼時無少息千端萬緒累牘難書大部虜王以  
及授官各酋俱恪守外臣自雲部以及河套諸



虜俱馴如編民自西來以及東迄兩閱歲矣而  
始終不擾若此豈人力之所能致哉蓋由我

皇上 聖神文武 德冠百王 順治威嚴

業超千古 垂衣裳而朝萬國王帛攸同

飭網紀以靖九邊戎矛載戢華夷一統羞稱漢武唐  
宗千羽兩階快觀

堯天 舜日遠光 二祖之烈近揚 先帝之休  
中興之治倚與盛哉

奉

聖旨

巡按陝西監察御史臣蕭廩謹

題爲懇乞

天恩俯容入衛兵馬番休以甦疲鎮事臣奉

命查理四鎮兵糧自入境以來日夕講求利病用圖  
節省但所見士民皆云四鎮最苦無如榆林榆  
林最苦無如入衛兵馬緣本鎮孤懸套口逼近  
虜巢地既五穀不生兼且百貨不至較之諸鎮  
最號衝疲邊墻千五百里城堡三十八座僅有  
軍丁五萬而奇馬二萬而奇較之諸鎮亦頗單  
弱自嘉靖二十九年虜犯薊昌議將本鎮兵馬  
挑選精壯四枝入衛節年奔疲節年傷損兵則

逐營抽補而抽補不足則取諸捉生馬亦逐營  
買補而買補不得則許其搶充每年三月例當  
上班開歲以來即行整棚馬給官價每枝歲幾  
萬金而鞍轡衣裝出於兵士整備者每人尚須  
數兩也此等窮軍何從措處既牽搶傍人出錢  
幫貼又預指月糧減價扣賣大率身未出門而  
一歲之糧去其大半矣其在隻身單丁尚猶可  
說如有父母妻子竟將疇依此整棚之苦也整  
棚未畢啓行屆期婦女耄倪倉皇奔送情同死  
別禱求生還號哭震天踫人掩泣此離別之苦  
也別去兩月始達薊昌一到薊昌地方即

危墩坐三秋防守晝夜不休餘暇修工催促愈  
急此戍守之苦也兵不得顧馬又尅馬料以聊  
生故馬多倒死將不得顧兵又科兵糧以供費  
故兵多逃亡者聞負灰冒來歸大半委填溝  
壑存者僅餘黃瘦喘息多有顛踣道途此死傷  
之苦也幸而還家有同再世閭里稱慶骨肉相  
依曾不月餘又當整餉賣糧束裝捉生搶充紛  
然襍出無異轅駒又有一班存留冬防其情尤  
苦去來之際動經二年又有一班選留標兵其  
苦更甚征戍之久閱歷五年歲月既深情狀尤  
別身世寄寓室家此離風俗傾頽問井蕭索總

計二十年来損傷兵馬何止數萬糜費公私錢糧何止百萬畢竟薊鎮僅以供脩築之工未必得其防禦之力也且先年士馬强壮習俗忠勇尚能綴虜東犯之謀爲四方應援之助今則役久而疲人窮則詐不惟爲虜所輕自保不暇亦且人懷怨望漸逞兇狂此其所當亟爲議處以弭後患等因臣惟兵馬入衛薊鎮本以鞏固

京師大義所關諸鎮似不必恤然苟有益於薊鎮則固恤於諸鎮亦可也而論者皆力言其無益苟無害於他日即無益於今日亦尚可也而識者皆逆計其有害何也內外賓主其勢既分則

秦越肥瘠其情自將不切勞苦怨咨其心既貳  
則橫潰決裂其究必將不支此河上之詩問左  
之戍所以爲千古明鑒又不但日費料糧歲費  
裝賞爲內帑之尾問漏卮所過搶奪所止奸  
盜爲地方之城狐社鼠已也節經中外論列不  
下數十疏然廟堂之上則以兵不中制必聽  
薊鎮自裁薊鎮之臣則以事難逆覩必俟教練  
有成而後裁教練既日復一日孰爲成就之期  
入衛則年復一年未有停止之日近該兵部題  
覆秋防畢日議處邊人望之不啻雲霓今又寂  
然是尚未有定說也茲者臣泣事該鎮之際正

上班整朔之期羣擁馬首備訴諸艱臣亦勉以  
臣子大義再三譬曉但耳聞其室家悲號之聲  
目覩其道踳窮蹙之狀真有一念慘怛不能自  
已者故敢竊附於使者宣德達情之義冒昧為  
皇上陳之臣亦知 廟堂尚以醜虜匪茹為慮薊鎮  
尚以擺守不敷為詞姑不敢言諸鎮請言榆鎮  
姑不敢言撤戍請言番戍臣查得該鎮兵馬原  
定四枝分為兩班更番入衛後因三十二年薊  
鎮有警議留一枝冬防止放一枝回鎮次年仍  
發二枝遂使每年止有一枝休歇而休歇一年  
者又該冬防行役一年夫所責衛兵者以其

勇可戰守也若一年一度往返燕秦如此奔波而責以捍禦容可得乎是薊鎮徒擁虛名榆鎮備受實害而國家又抱隱憂殆二失也臣又查得寧固衛兵俱係更番薊鎮修練頗已就緒如蒙

聖明察愚臣之非敢飾說念疲鎮之委已莫支

溥浩蕩之恩施節宣之政俯容四技兵馬照舊番

休三月上班十月回鎮前項冬防標兵俱行撤放姑俟虜情有定再為議處庶兵力少節而不致重困人情少安而不致重傷必將戴

聖主嘘枯之恩奮壯士敵愾之勇而在榆鎮稍省買



補馬價在薊鎮稍省賞給客糧其於  
國計亦或少裨矣此亦愚臣節省一事也臣干實  
天聽無任激切惶悚之至

萬曆五年三月題奉

聖旨兵部知道